

Universitätsbibliothek Wuppertal

Danielis Chamieri Delphinatis Panstratiæ Catholicæ, sive Controversiarvm De Religione Adversvs Pontificios Corpvs.

Tomis quatuor distributum. : cum indicibvs necessariis.

De Sacramentis

Chamier, Daniel

[Frankfurt], 1627

Liber nonus, De eucharistia

Nutzungsrichtlinien Das dem PDF-Dokument zugrunde liegende Digitalisat kann unter Beachtung des Lizenz-/Rechtehinweises genutzt werden. Informationen zum Lizenz-/Rechtehinweis finden Sie in der Titelaufnahme unter dem untenstehenden URN.

Bei Nutzung des Digitalisats bitten wir um eine vollständige Quellenangabe, inklusive Nennung der Universitätsbibliothek Wuppertal als Quelle sowie einer Angabe des URN.

[urn:nbn:de:hbz:468-1-926](https://nbn-resolving.org/urn:nbn:de:hbz:468-1-926)

cum tamen totus Christus in qualibet specie sit: & respondet, non id fieri, quia credendum sit, corpus ex sanguine sub speciebus panis contineri, cum ibi totus sit Christus: sed id fieri in memoriam passionis, & de caro nostra, & anima uiuificetur. Et postea: Sente ergo ideo sub duplici specie sum Christum, ut uiuificatio corporis ex corpore Christi, & anima nostra ex anima Christi, cuius sedes est sanguis significatur & exprimat: quamuis totus Christus uere uiuificatur secundum animam & corpus sub specie etiam panis contineatur. Hanc uero suam sententiam confirmat testimonio illo Paschasij, & Gelasij Pape. Id quod in confirmationem sue sententiæ non adduceret Algerus, nisi de sumptione sanguinis in propria specie ad integram significationem Sacramenti seruandam loqueretur. Et nonnullis interpositis, Eodem modo loquitur Paschasius. Nam quamuis capite decimo septimo solum loquatur de fide, qua sumendum est hoc Sacramentum, uel si cet corpus sine diuinitate, nec diuinitas sine corpore credatur, quando sumitur, tamen capite illo decimo nono de sanguinis perceptione in calice aperte loquitur. Nam primus titulus capitis est, corporis simul & sanguinis perceptionem nobis ad salutem esse necessariam. Et initio capitis de sanguine Christi in calice simul cum corpore sub specie panis sumendo, ita loquitur: Patet sensus, quod tam caro frangitur: quia sanguis est in calice, qui de latere manauit: & ideo quam recte caro sanguini sociatur, quia neque caro sine sanguine, nec sanguis sine carne iure communicatur. Vbi cum loquatur de societate sanguinis cum corpore sub specie panis consecrato, intelligit etiam carnem sine sanguine in calice iure communicari non posse. Paulo post, cum recitauit aliqua alia Paschasij, Quibus uerbis plane docet id quod diximus, nempe sanguinem in calice bibendum esse, ut perfecte representetur curatio totius hominis.

CVI. Sic Vasques disputat contra Bellarminum ex professo. Nos addimus, primum, duram futuram *ad uisum*, non iure communicari. Nam hæc phrasia uisum solet in iis rebus quæ in utramque partem possunt fie-

ri, sed non æquo tamen iure. Atqui corpus sine sanguine Christi, si rem ipsam spectes nullo modo sumi potest: quandoquidem sint ambo inseparabilia: quod etiam frequens in ore aduersariis. Carnes in Quadragesima negabantur Papistæ iure comedi: Quæ tamen possunt comedi; At non comedi iure Solem aut Lunam, quis dixit? Deinde quid illud est, eum non iure communicare, qui sentiat unum sumi sine altero, uidelicet ipsum corpus Christi in se, sine sanguine? Hoc quando? ubi hoc dixit Paschasius? Quibus uerbis istos descripsit sic somniantes? Nisi forte Bellarmino licuerit fingere. Quod certe licuit: ar non iure, sed ex audacia. Atqui Paschasius explicat, non quid cui sit credendum, sed quid Christus fecerit.

CVII. Superest Bernhardus testis, corporis & sanguinis alimoniam mandatum deo, epe frequentari. Alimonia, inquit Bellarminus, integra est in specie panis, Vasques autem, Mandatum & præceptum hoc pro tota Ecclesia traditum, non autem pro singulis.

CVIII. Sed Vasques contra Bellarminum, Bernardus, inquit, aperte loqui uisus de altera parte alimonia; quæ sub specie uini per modum portionis sumitur. Et uero integra si sit alimonia, diuino futura est respectu rei, non signi. At Bernardum signa potius intellexisse constat, cum dixit, hanc alimoniam, ea primum die exhibitam, ea die commendatam, quod de re factum est; ut constat saltem ex 6. Ioannis. Vasques commentum alias excussum est: Porro illa die dictum, Edite, bibite; & dictum singulis: nunquam dictum, edite, bibite pro aliis. Quod etiam esset contra rei naturam; quæ nõ patitur, ut alii pro aliis uescantur: ac proinde contra significationem Sacramentalis; quæ sumpta est à uescendi consuetudine. Itaque si imperatum est omnibus: quia uel licet non tantum Ecclesia non uescitur, nisi in singulis: sed etiam quia omnes singuli iussi sunt uiuere.

FINIS LIBRI OCTAUI.

LIBER NONVS.

De

EUCHARISTIA.

Caput Primum.

DIMINVTÆ COMMVNIONIS EXEMPLA.



PAPISTIS neq; Institutio potuit imperare; neq; exemplum Christi præscribere, neq; Apostolorum usus prætere: Non eos longa consuetudo generalis flectere: non sanctorum Patrum comprobatio mouere; non veterum Canonum autoritas frænum iniicere; ut nõ abrogarent sacrosancam Communionem. Eratne is casus non dignus horrore? At nunc contra obseruate, nullum esse tam nullius momenti exemplum; quantumuis etiam particulare: nullum tam exile uestigium in

scriptis Veterum; nullam tam tenuem coniecturam ex Scripturis: nulla tam ridiçula sophismata; ut non sint pro inuictis demonstrationibus: pro absolutissimis legibus, pro immobilibus fundamentis sancitæ à Constantiensibus, Basiliensibus, Tridentinis, mutilæ communionis. Et quidem tanto maiori impudentia, quod qui fingentes indignari à nobis integram communionem defendi necessariam; nunc mutulatam tam seuerè exigant, ut uelint alteram omnino prohibitam. Nunquam mihi fides esto; si hic mentiar; & non res ipsa confirmet quod absq; horrore non dico.

I. Verbofissima altercatio, nec facile in ordinem cogenda certum; propter immanem ingeniorum luxuriam sibi indulgentium; ut amat fieri; quum non rationibus impellimur ad credendum; sed iam concepta opinione regemur ad uestigandas rationes. In tanta argumetorum sylua; conabor ipse mihi non deesse, & de veteri consuetudine disputabo primum; deinde Paschicam legem examinatum ibo. Nam, ut hæream cuiusquam aduersariorum methode, obtinere à me non potuerunt; qui ipsi inter se tam sunt uarij; ut uix duos reperias eandem uiam tenentes.

III. De Consuetudine qui agunt in eo sunt, ut probent non esse recens inuentum communicandi Eucharistiæ Sacramento, sub vna tantum specie, siue ea sit panis, siue calicis: quanquam frequentius panis. Probant partim à Scriptura, partim à traditione; collectis exemplis. Percurram omnia vno spiritu, post exceptiones opponam opportunas. Habent autem à Scripturis primo Christum, deinde Apostolos.

IV. Christi exemplum est, unum ex Luca ult. postquam peruenisset Christus Emauitem cum duobus discipulis, Cum accubisset cum eis, sumptis pane benedixit, & fractum porrexit eis. Adaperiunt autem oculi eorum; & agno. erunt cum. Hinc Karokouski, In Emmaus Cleopha, & socio Sacramentum, & sub vna tantum specie Christus dedit. Eadem mens Eckij homilia; Richeomi cap. 61. Vaqueis, qui, Ex Luca uicesimo quarto, Sibi dicitur in Cena cum discipulis in castello Emmaus panem fregisse, & dedisse illis, id efficaciter probatur. Nam quid prohibet, inquit Roffensis, quò minus in hoc opere suum ducem Ecclesia consideret imitari? Renatus Benedictus in Pannopha. Adde quod Christus sub specie panis tantum dicitur communicasse corpus suum discipulis, eumque Emmaus.

V. Apostolorum exempla habent ex Actis: Secundo, Erant presbiteranter in doctrina Apostolorum, & communicatione fractionis panis, & orationibus. Item Actor. 2. Primo die Hebdomadis comædis discipulis ad frangendum panem Paulus dissebat cum eis. Et post: Quum ascendisset fregissetque panem, & cibum sumisset, diu colloquutus usque ad diluculum, ita demum profectus est. Addit Cockleus Actor. 27. iudem de solo pane fieri mentionem, quem sumens Paulus, gratias egit Deo, & fregit; Nec solus Cockleus, sed etiam Karokouski.

VI. Ab traditione colligunt multo plura; quæ Bellarminus digessit in duo capita. Prius est fraudibus hæreticorum; quorum duo sunt exempla: vnum apud Sozomenum libri 8. historiae cap. 5. Quendam ex hæresi Macedoniana accepisse in manus Chrysostomo sacris operante panem tanquam paulo post manducaturam, hunc dedisse ancillæ; ab eaque alium accepisse, quem statim comederet; sed hunc fuisse conuertum in lapidem. Inde esse manifestum morem fuisse, ut qui uellent panem sumerent absque calice. Alterum exemplum illud est Manichæorum, ex Leone.

VII. Secundum caput est variorum rituum; qui ordine sic enumerantur. Primo loco est Reseruatio Sacramenti, facta sub vna tantum specie: quia uidelicet in multum tempus; puta in annum teste Sophronio capite 78. Prati Spirituales: quum tamen non posset uinum tan diu integrum manere: sed & Cyprianus sermone de lapsis, Ambrosius de obitu Satyrj, & Sophronius, non nisi panis meminerunt.

VIII. Secundo loco, Communicatio est domestica; cum Eucharistiæ domum deferent; & ibi tempore opportuno sumerent. Ex Tertulliani 2. ad uxorem. Ex 1. Stromateon Clementis: Cypriano de lapsis: & de spectaculis; Basilio ad Cæsariam Patriciam; Hieronymo in Apologia pro libris in Iouinianum; & aliis. Hanc autem communionem fuisse tantum vnius speciei pater, tum quia sola species panis daretur in manus; vini autem potingeretur in calice; tum quia in priuatis domibus non essent vbi calices sacri, quibus contineri posset sanguis Domini, teste Athanasio in Apologia 2. contra Arianos.

IX. Tertio loco, Communicatio infantum est. Communicabant enim Veteres aliquando infantes: sed sub vna tantum specie, nimirum instillando in os eorum, aliquid sanguinis Domini; ut patet ex Cypriano sermone de lapsis; & ex manifesta ratione; quia non possint infantes cibum solidum sumere.

X. Quarto loco Communicatio ægrotorum; quæ ut plurimum fiebat sub vna specie. Sic lib. 6. c. 36. historia Eusebiana; delatam Serapioni partem Eucharistiæ, ut madefacta traderetur. Cum enim diutius seruaretur, necesse erat durefcere: sic auctore Paulino in vita Ambrosij, Ambrosium corpore Domini deglutito continuo exspirasse. Basilium, teste Amphilocho in eius vita, Eucharistiæ accepisse in sola specie panis longo tempore asseruata. Deniq; Amalarium de Officiis lib. 3. cap. 25. & Micrologum de rebus Ecclesiasticis; cap. 17. testari ex antiqua consuetudine in Missa tres partes hostiæ fieri, ut vna cum sanguine misceretur, altera sumeretur à Sacerdote, tertia seruaretur pro ægrotis in uaticum;

XI. Quia

sacrificij partem eius aqua laurent, & sic offerrent. Quæ sophistice erat si-

X. Superest priuata reservatio: sed hæc eadem cum communione do-

XI. Nam quod excipiunt seruari vium non posse, gratis dicunt. Pri-

XII. Veruniamen, ait Bellarminus, sola species panis dabatur in ma-

XIII. At nulli calices sacri in domibus: concedo. Sed cur non ampul-

XIV. Venio ad communicationem infantium. Erat, inquit, Bellarmi-

XV. Quare communio infantium erat in vtramque speciem. Sed oppo-

XVI. Opponunt iterum; infantem non posse aliquem cibum sumere.

XVII. Traditam ægrotis Eucharistiam dicunt plurimi. Sed datum vi-

XVIII. Amphilocheum diximus alias impostorem esse. Paulinus ille

XIX. Amalarius & Micrologus testantur, ait, ex antiqua consuetudine

XX. Deinde, quid isti dicunt, quæso? Trium oblatæ partium, vñam

XXI. Triarii superant: Communio laicæ, & præsanctificationum. Illa

XXII. Cyprianus omnium primus, & antiquissimus testis, Epistola 72.

XXIII. Cornelius secundus est Romanus Episcopus; cuius Epistolam

XXIV. Syricus c. ii. Epistol. i. Quisquis sane clericus aut viduam aut cer-

XXV. Concilij Eliberini canon 76. Si quis Diaconum se permisit or-

II. Prima esto Salmeronis. Quoniam huiusmodi ritus nullum inueniatur principium, nec constitutio vlla cum primum instituitur. Nam constitutio Constantiensis Concilii, statuit illum morem iam dudum in Ecclesia fuisse receptum, neque illum de integro introduci. Cum ergo non inueniatur initium eius ritus, & vndique ex historiis comperta sint eius vestigia, signum est haud obsecrum, ex regula B. Augustini, quod à Christo & Apostolis fuerit approbatus, Christo instituitur vtrumque ritum, & relinquente Ecclesia potestati hoc vel illo modo vti.

III. Cum dixisset Christus, habere se multa dicenda, quæ ferretur non possent Apostoli; suis inde opinionibus prætextum omnes hæreticos reperisse obseruauit Augustinus. At tu nunc Augustine, quum semel dixisti Epist. 118. Si quæ toto terrarum orbe obseruentur à Christianis putari vel ab Apostolis vel à plenariis Conciliis instituta; immane quantam ianuam aperuisti nostris Papistis, suorum somniorum commendandum! Adeo nihil est tam recens commentum, quod non facile sperent æquo iure stabilitum iri, cum maxime ferri Scripturæ præceptis. Tam protrita frons est illis: tam temeraria confidentia. Sed missis personis, rem videamus. Argumentum sic est: Cuius ritus nullum inuenitur principium, sed vndique in historiis eius vestigia, is ritus à Christo & Apostolis fuit approbatus. At communionis diminuta ritus est eiusmodi. Ergo idem à Christo & Apostolis fuit approbatus.

IV. Antequam respondeo describenda sunt Augustini verba: quia nunquam impudentius fuisse prætexta, *Tene te volo, Dominum nostrum Iesum Christum leni iugo suo nos subdidisse, & sarcina leui: unde Sacramentis numero paucissimis, obseruatione facillimis, significatione præstantissimis, societatem noui populi colligauit. sicuti & Baptismus Trinitatis nomine consecratus, communicatio corporis & sanguinis ipsius, & si quid aliud in Scripturis canonicis commendatur. Illa autem quæ non scripta sed tradita custodimus, quæ quidem toto terrarum orbe obseruantur, dantur intelligi ab ipsis Apostolis, vel plenariis Conciliis, quorum est in Ecclesia saluberrima autoritas, commendata, atque instituta retineri: sicut quod Domini passio, & resurrectio, & ascensio in caelum, & aduentus de caelo Spiritus sancti, anniuersaria solennitate celebrantur; & si quid tale occurrerit, quod seruetur ab vniuersa, quacumque se diffundit, Ecclesia. Alia vero, quæ per loca terrarum regionesque variantur, sicuti est quod alij ieiunant Sabbatho, alij vero non; alij quotidie communicant corpori, & sanguini Dominico, alij certis diebus accipiunt; alibi nullus dies intermittitur, quo non offeratur, alibi Sabbatho tantum & Dominico; alibi tantum Dominico: & si quid aliud huiusmodi animaduerti potest totum hoc genus rerum liberè habet obseruationes. Hactenus Augustinus, distinguens res Ecclesiasticas in scriptas, & traditas. Et has in vniuersales, & particulares: & vniuersales quidem definiens institutas ab Apostolis, vel Conciliis plenariis; particulares autem liberæ obseruationis.*

V. Nunc respondeo, primum negari maiorem. Nam hæc describit aliud quoddam genus rerum, ab eo quod Augustinus. Discrimen geminum est: vnum, quod discrete distinctæ sunt in Augustino eæ quæ scriptæ sunt; ab iis quæ non scriptæ; & istæ positæ in secundo ordine, vnde maior defumpra est. Quare debuit ista contrahi; vt non diceret generaliter, quoscumque ritus: sed specialiter, ritus non scriptos.

VI. Alterum discrimen maioris momenti. Quia quæ secundi sunt ordinis, pertinent ad vniuersalem obseruationem: quæ ipsa non tantum describitur, per totius terrarum orbis obseruationem; sed etiam exemplis illustratur annue: sicut solennitatis in memoriam passionis, ascensionis, & donationis Spiritus: imo etiam oppositione tertij generis, quod alibi aliter obseruatur: vt omnino constet intelligi id genus rerum, cuius vniuersalis sit per vniuersam Ecclesiam Catholicam obseruatio. At nobis noster Sophista describit id genus, cuius nullum obseruatur initium; sed duntaxat vestigia colligantur ex historiis.

VII. Quis non videt manifeste non nisi dicis causa obiectum Augustini nomen? Nam quarum rerum vestigia duntaxat inueniuntur; potestne quisquam sanus indigetare vniuersaliter obseruata? Exempli gratia: lactis & mellis gustum datum infantibus inter baptizandum, vestigia habemus apud Tertullianum, & Hieronymum, Quis concludat aut vniuersaliter factum, aut ab Apostolis institutum, vel plenariis Conciliis.

VIII. Debuit igitur ex Augustini mente maior institui in hanc formam, Qui ritus non scripta, ab vniuersa per orbem Ecclesia fuisse obseruati, dantur intelligi ab Apostolis, vel à plenariis Conciliis commendati fuisse, & instituti. Vel quia vestigia illa, particularium sunt obseruationum; si hæc pertinaciter in argumento retenta; profecto ex mente Augustini, debuit exprimi potius tertium genus rerum: & ita concipi maior: Quorum rituum nullum initium inuenitur, sed vndique in historiis vestigia; ij sunt liberæ obseruationis. Horum alterutrum si esset factum, præcepta foret nobis impugnandi ansa; accusandi ve nimiam Sophistam.

IX. Sed nunc secundo respondeo ad maiorem, quæ astruit communionis diminuta ritum eiusmodi esse, vt eius nullum obseruatur initium; & colligantur tamen vndique ex historiis vestigia: Respondeo, inquam, adhibitis distinctionibus. Prima, hunc ritum velleberum intelligi, & permissum cuiuslibet arbitrio, vel discrete sancitum alterius speciei inhibitione. Altera, initium vel certum, vel indefinitum. Tertia, vestigia vel legitima, vel illegitima.

X. Dico igitur primo, ritum illum de quo nobis contentio aduersum Papistas, illum esse sancitum per inhibitionem oppositi ritus, videlicet integre communionis. Hoc autem sensu tam perspicue falsum e in minore; vt ipsi Papistæ assignent initium certum, repetitum à Concilio Constantiensis confirmationem à Basiliensi, & Tridentino: in quibus conceptis verbis definitum; deinceps negandam communionem calicis omnibus non consecrantibus: vt constat ex ipsa canonum lectione, quam exhibuimus in statu contouersæ.

XI. Nam quod Salmero dixit in Constantiensis statutum, illum morem iam dudum fuisse in Ecclesia obseruatum; pertinet ad liberam obseruationem; non autem ad coactam inhibitionem. Etenim certum est ante ea Concilia sic fuisse factitatum, vt alij communicarent vtramque speciem, alij vero alteram; quod constat ex Thomæ scriptis: siue ea libertas fuerit singulorum; siue pro Ecclesiarum consuetudine. Sed ante id tempus inhibicum vaquam fuisse calicem, neque Concilia illa dixere; neque vllam extat

vestigium. Imo ne hodie quisquam Sophistarum tam fuit audax vt diceret. Quare hoc sensu absolute & simpliciter falsum est diminutam communionem fuisse approbatam vllis aut Apostolis, aut plenariis Conciliis.

XII. Quod atinet ad diminutam communionem liberè vsurpatam; primum nego hanc pertinere ad Augustini genus illud secundum rerum. Ratio manifesta: quia hoc genus earum rerum est quæ non sunt scriptæ. Atqui communicatio Eucharistica ab eo discretissime distincta est, & posita in primo ordine rerum; videlicet quæ scriptæ non traditæ obseruentur. Mentiar si non fiat hæc totidem literis scripta, *Dominum leni iugo nos subdidisse, & sarcina leui.* Et exemplis, *Sicuti est Baptismus, & communicatio corporis & sanguinis.* Et postea, *Illam autem quæ non scripta, sed tradita custodimus.* Vnde quam sollicite sua verba libauerit Augustinus. Iugum Christi lenè, & sarcinam leuem, seorsim posuit, ab iis quæ non scripta, sed tradita custodiuntur. In iugo illo, obseruauit communionem Eucharisticam: & hanc descriptam discrete, corporis & sanguinis, id est, vtrinque speciei. Quid ergo? Nempe mens est Augustini; ex obseruatione Ecclesiæ ea putanda ab Apostolis, Conciliisve instituta, quæ tantum tradita sunt. Sed ea quorum, Scriptura teste, constat aliam rationem: videlicet censenda ab ipsis Scripturis; contra quas quicquid vlla Concilia statuerint, nefas sit putandum. Cum ergo hoc de quo disputamus caput, eius sit generis, vt pertineat ad illud Christi iugum, profecto quæcunque præteratur consuetudo Ecclesiæ: quæcunque cuiuscumque Concilij constitutio; tamen eo sensu per redendum, vnde fuit initium.

XIII. Secundo, nego etiam assumptum; videlicet nullum dari posse huius ritus initium. Nam etsi non detur certum de finitumque: tamen datur indefinitum, videlicet post primæ initia: post institutionem Christi. Thoma teste: à quo fuerunt ista nobis recitata, *Secundum antiqua Ecclesiæ consuetudinem omnes sicut communicabant corpori, ita communicabant & sanguini.* Quod ipsum prolixè multis aliis testibus est à nobis confirmatum. Et Hosius inde scripsit vtrinque speciei vsum fuisse mutatum. Primitiæ igitur Ecclesiæ consuetudo fuit, vt omnes vtrinque speciei communicarent. Oportet ergo oppositam consuetudinem posterioris Ecclesiæ fuisse. Atqui prioritatem veritati, postentatem mendacio deputari, solenne est axioma, præscribens aduersus omne genus hæreticorum.

XIV. Hosij coniectura non est prætereunda: apud quem Harpago interroganti, *Quo tempore id factum esse putas?* nimirum, vt vtrinque speciei mutatus vsum, & alterius tantum sit receptus, respondet Arator, *Non habeo quod pro certo possim affirmare. Sed ex quo tempore Germania pars, quæ nobis est vicinior, Christi recepit Euangelium, ex eo vsum vtrinque speciei, tacito quodam consensu totius Ecclesiæ Catholice fuisse videtur abrogatum.* Hæc Hosius, timide ille quidem: sed clare nihilominus initium aliquod designans, non quidem annotato, aut die, aut mense, aut anno: quæ circumstantiæ esse solent certi definitiue initij, verum indefinite, vt quando cum tandem sit factum, tamen post initia, non enim, cum aut Christus institueret Sacramentum: aut Ecclesia Hierosolymis inciperet, non cum Antiochiæ primum dicti sunt Christiani, aut Romæ denique fideles esse cœperunt, sed aliquanto saltem post, cum Germania: & quidem non illa cultior, viciniorque Romano Imperio: sed alia horridior, remotiorque & ad Sarmatas pertinens, fidei nomen dedit. Sed & initium huiusmodi describitur, quo abrogaretur vsum, quis? nonne antiquior? nam certe posteriora prioribus non abrogantur.

XV. Et vero attendamus cuiusmodi esse possit in hoc syllogismo antecedens: cuius conclusionem oppugnant aduersarij ipsi. Etenim conclusio habet, secundum Augustinum: Ergo ab Apostolis, vel plenariis Conciliis fuit institutum, at secundum Salmeronis Sophistam: Ergo à Christo fuit, Apostolisque approbatus. Atqui neutrum esse verum constat ipsis Papistis testibus. Hosius, *Vsum vtrinque speciei tacito quodam consensu fuisse videtur abrogatum.* Papius, *Iam dudum in vniuersam Latinam Ecclesiam ritus sub panis tantum specie Laicos communicandi sacrosanctum illud, & vniuersum Christi corpus, receptus fuerat, non equidem ex vlla institutione, aut Synodali, aut Ecclesiastica Hierarchia præsidis Romani Pontificis (quæ nullum huc reuenerunt dedit initium) sed ex interno quodam consensu Christi fidelium, atque orthodoxorum præsulum.* Nota. Nam contra quam concludebat Augustinus ab Apostolis, vel Conciliis institutum: isti & discrete negant Conciliorum institutionem: & de Apostolis ne grunnire audent quidem. Sed de tacito consensu fidelium: de quo in antecedente syllogismo nihil habuit.

XVI. Nota iterum, abrogatam integram communionem in Ecclesia Latina. Non enim ausi sunt etiam in Græca dicere: quam constat huic abrogationi nunquam dedisse locum. Atqui Augustinus obseruationem volebat vniuersalem: toto, aiebat, *terrarum orbe: ab vniuersa quacumque se diffundit Ecclesia.* Exiguamne huius defectus momentum? Dicebat Augustinus ea quæ ab vniuersa Ecclesia obseruarentur, instituta fuisse ab Apostolis, vel à Conciliis. Patiamur sane. At isti Sophistæ volunt æstimari diminutam communionem institutam ab Apostolis, vel à Conciliis, quam tamen non audent dicere obseruatam nisi ab vniuersa Ecclesia Latina. Et non precorur eis sanam mentem.

XVII. Denique respondeo, si quid vestigiis concedendum: saltem debere dari legitima, non autem hæreticorum fraudes, priuatorum ausus, extraordinariorum casuum euentus, denique non suspiciunculas curiosius inquisitas: animosius defensas: quam sanius inductas, cuiusmodi esse demonstrauimus, quæcunque magno labore coaceruata fuerit. Itaque hic primus Salmeronis conatus abiit in ventos.

XVIII. Addo alterum. Cum homines tenaces sint religionis, & in mutatione rerum ad eam pertinentium facile turbentur: si per ducentos & mille annos fuisset communicatio sub vtraque specie in Ecclesiam inuecta, nec fuisset declaratum licere sub altera communicare, subito hoc ritu mutato, maximæ tempestates fuissent, & lites in Ecclesiam ob eam rem obortæ. De quibus cum in nulla historia fiat mentio, indubitatum coniecturam accipimus, nunquam rem fuisse nouam, sed ab initio semper consuetam, animisque fidelium infixam tanquam licitam, etiam in illis regionibus, vbi sub vtraque specie, vt plurimum, laicos communicabant.

XIX. Ecce tibi indubitatum coniecturam, Quasi aliqua possit aut esse, aut

emolumento? Etenim contra Augustinus, etsi non dicat totidem syllabis, male credere; tamen non obscure *de peccatis*. Si nunquam discant, inquit, vel suo vel aliorum experimento, nihil aliud credent, nisi in illa specie Dominum apparuisse. Sencin' hanc credulitatem imputaram ignorantia? Et contra dari intelligendum; si aliquando discant, vel suo vel aliorum experimento, tum idiptum minime credituros? Et adhuc probari dices credulitatem? *Aequè* dicas Paulo assertum, recte Iudæos crucifixisse Christum; quia dixerit prioris ad Corinthios 2. *Si cognouissent, nequaquam Dominum gloria crucifixissent.*

XXXIX. Sed alterum mendacium magis tibi commodum. Tua enim interest persuaderi Augustinum de vna panis specie loquutum. Quod falsissimum. Primo enim, panem ille nunquam neque nominat, neque describit: deinde iis vtitur verbis, quæ æquè ad calicem pertinent: *Non noverunt quod in altari ponitur*: Deinde non dixit speciem rei: sed distret, *speciem verum*: quæ phrasis necessario utrumque signum complectitur. Denique credituros dixit, in illa specie apparuisse; quod sane referat qui volent ad panem, sed addidit & de latere tali; rursus & hoc ad panem, *liquorem illum omnino fluxisse*: quod iam non nisi ad calicem pertinere potest. Itaque sensus est, infantes, proposita utraque specie signorum, cum audient corpus esse & sanguinem Christi: existimatos, vere & *κατὰ τὸ πρῶτον* id dicit: & corpus Christi tale omnino fuisse; ac de latere tali, quale videlicet videte se putant, illum liquorem exisse, qui est in calice. Quare manifestum concomitantiam nullam hic in mentem venisse Augustino.

XL. Mirum verò argumentum, Catechumenos credere in Christum; sed se iis Christum non credere: Ergo æquè sanguinem in pane dari, ac in calice. Hoc genus consequentia si probet Aristoteles, quid non speretis amantes? Amentes melius, si verius pateretur. Sed profecto Augustinus seipsum explicat, & docet non cogitare concomitantiam, *Tales sunt omnes catechumeni: ipsi iam credunt in nomine Christi: sed Iesus non se credit eis*. Intendat, & intelligat caritas vestra. Si dixerimus catechumeno, credis in Christum? respondet, credo, & signat se cruce Christi: portat in fronte, & non erubescit de cruce Domini, sui. Ecce, credit in nomine eius. Interrogemus eum; *Manducas carnem Filij hominis, & bibis sanguinem Filij hominis? Nescit quid dicimus: quia Iesus non se credit eis*. En tibi quid intelligat; Iesum se non credere eis. Non quod tu Papista; non edere corpus & sanguinem Christi: quæ concomitantia est: sed quod nos Catholici: non edere corpus, non bibere sanguinem.

XLI. Denique dixit Christum seipsum portasse, cum diceret, *Hoc est corpus meum*. Nempe, inquam, quia cum dixit, *Hoc est corpus meum*, dixit idem, *Hoc est sanguis meus*. Itaque portavit se, id est, suum corpus in specie panis: & suum sanguinem in specie vini. Audi, *Quomodo ferebatur in manibus suis? Quia cum commendaret ipsum corpus suum & sanguinem suum, accepit in manus suas, quod norunt fideles*. Quid norunt fideles? an quod Papista, solum panem? Minime vero; sed quod Evangelista, *λαβὼν τὸ πρῶτον*. Nisi forte urgeat Sophistes illud, *Accipit in manus suas* quod scio, non tantum in Canone Latino, sed etiam in Liturgiis Græcis positum in pane, non repeti in calice. Sed nos tamen nunquam sumus credituri, panem quidem acceptum manibus, calicem vero pedibus.

XLII. Nec importunior Cyrillus dixit per sacram Eucharistiam in nobis manere. Quamquam Eucharistiam non nominat, sed communicationem carnis Christi. Et hanc non oppositam sanguini: sed quatenus totam significat humanam naturam: vt antea notauimus in Hilario. Multo minus specie in panis solam. Atque adeo falsum eo capite agi nominatim de Eucharistia, siue communionem sacramentali: verum de naturali; id est, eam quam habemus cum Christo secundum eiusdem naturæ participationem. Quamquam in huius confirmationem proferantur Pauli verba, in quibus dicimur vnum nos esse in Christo, qui de vno pane participemus. Quomodo etiam paulo post illa Christi, de manducando corpore, & bibendo sanguine: Sed enim verum est nunquam aut à Cyrillo, aut ab alio quoquam dictum, aut edi sanguinem, bibere corpus: aut bibi sanguinem in pane, edi corpus in calice: quæ concomitantia est Papistica.

CAP. IX.

De tota ratione Sacramenti.

I. Post disputatam concomitantiam, de ratione Sacramenti Bellarminus agit, vtrum hæc tota reperitur in alterutra specie. Et primo, Eucharistiam tribus modis considerat, vt sacrificium, vt pignus amoris diuini, vt Sacramentum: tum definit, In vna specie non haberi perfectè & integre sacrificij rationem; sed vtramque esse necessariam. Verum, vt pignus, & vt Sacramentum, contra. Nam Eucharistiam, vt est pignus amoris, posse optime in quavis specie conseruari. Item, in qualibet specie inueniri totam essentiam, ac rationem Sacramenti: ita vt hostia consecrata, vt conseruatur in templis, & vt à laicis sumitur, sine specie vini, absolute, vere & proprie dici debeat Sacramentum Eucharistia, non Sacramentum mutilatum aut dimidiatum.

II. Sed nobis alia distinctione opus est, vt rationem Sacramenti intelligamus, vel secundum genus, vel secundum speciem suam. Secundum genus sensus erit quæstionis; vtrum vtrique speciei seorsim conueniat Sacramenti ratio, quatenus Sacramentum definitur signum visibile efficacis gratiæ diuinæ. Secundum speciem autem, sensus erit, vtrum cuiuslibet speciei conueniat Eucharistia definitio. Quorum postulatorum nos illud verum esse concedimus: hoc vero falsum pertendimus. Illustrabo exemplo familiari: Ponamus quæri de pede, vtrum ei conueniat tota ratio corporis. Certe qui neget pedem esse corpus, nondum est quisquam inuentus: Ratio est, quia pedi conuenit definitio generalis corporis triplici distantia metiendi. Sed Paulus tamen dixit prioris ad Corinthios 12. *Corpus non est vnum membrum*. Scilicet quia corpus non intellexit secundum genus. Quomodo igitur? Secundum speciem, nimirum corpus humanum: quod videlicet constat ex aggregatione multorum membrorum: vnde distret, *Corpus non est vnum membrum, sed multa*.

Tom. IV.

III. Distinctio illa trimembris importuna est. Nam profecta Eucharistia non est pignus amoris nisi quatenus Sacramentum: Nam omnia Sacramenta sunt quædam pignora promissionum diuinarum: ipso, vt alias diximus, definitate Catechismo Tridentino: nec possunt promissiones esse nisi amoris. Itaque concesserim non inuitus, etiam quod dicitur signum hanc habere totam rationem: quia totam habeat Sacramenti, tanquam generis. Et si alioquin male probetur à Bellarmino: videlicet, quia pignus sit, quatenus significat, & exhibet Christum præsentem: quod quælibet species faciat. Nam nec Baptismo denegari potest ratio pignoris; etsi non dicatur exhibere, aut significare præsentem Christum: cum non sit ea ratio significandi. Et exhiberi à quolibet specie seorsim falsum sit, ac iam confutatum.

IV. Sed Eucharistia sacrificium non est nisi quatenus Eucharistia: non enim quatenus Sacramentum: alioquin Baptismus esset sacrificium. Hoc notandum: nam si sit sacrificium eo quod sit Eucharistia: & non sit ratio sacrificij in altera specie: certè non potest tota ratio Eucharistia esse in vna specie.

V. Et confirmatur idiptum alia ratione, & quidem naturali: quod fieri nequeat, vt totius aggregati ratio tota constet in vna quacunque parte. Sic hominis ratio non est, aut in anima, aut in corpore: Neque corporis humani, vt dicebam in vno pede. Neque totius mundi in cælo. Esse autem Eucharistiam vnum aggregatum, restantur Scholastici. Bonauentura in 4. sentent. distinct. 8. parte 2. art. 2. quæst. 2. Thomas parte 3. quæst. 73. artic. 2. Durandus quartum distinctione octaua, quæstione prima. Sed breuius Biel in eandem distinctionem quæstione prima, *Eucharistia non est res simpliciter vna: quod est realiter omnia aia accidentia, sub quibus ante consecrationem fuit substantia panis & vini*. Papistica hoc quidem: sed nunc nihil ad nos. Adimicentis in eandem quæst. 1. artic. 2. *Huiusmodi Eucharistia Sacramentum potest sumi, vel formaliter; prout est tale sensibile signatum: vel virtualiter, prout continet & includit suum signatum*. Primo modo acceptum constat quod realiter est multiplex, & non vnum. Vt autem secundo modo accipitur est vnum, non vnitatem indiuisibilitatis, vt quodlibet aliorum Sacramentorum; sed vnitatem integritatis.

VI. Sed Bellarminus tamen disputat; in vna quolibet specie totam esse rationem Sacramenti Eucharistia. Primum illi & præcipuum argumentum hoc est: In quolibet Sacramento requiritur significatio & causalitas. Est enim Sacramentum signum & causa gratiæ. Hæc autem reperiuntur in quolibet specie seorsim iuxta. Probat assumptum per partes, prius de signato post de causalitate: quod vtrumque post videro.

VII. Nunc de argumento dicendum: In quo primum incepte disparatur significatio & causalitas: quandoquidem in Sacramentis; hæc duo re non differunt; efficiunt enim Sacramenta, non nisi significando: & significant efficiendo: quod est suo loco fufus disputatum.

VIII. Deinde argumentum est *de rebus*; quandoquidem agat de Sacramento; non de Eucharistia. Id est, probat panem, exempli gratia, esse Sacramentum: non probat esse totum; siue integrum Sacramentum Eucharistia. Quorum illud nemo negat: Imo inde factum, vt frequens sit apud Veteres phrasis, Sacramenta corporis & sanguinis: imo etiam vt numerentur duo distret. Sed hoc demum à nobis constanter impugnatur. Nam Eucharistia tota est Sacramentum corporis & sanguinis Domini. At panis non est Sacramentum corporis & sanguinis Domini: Ergo panis non est tota Eucharistia. Patet propositio per se. Assumptum probatur quia omne Sacramentum significat id cuius est Sacramentum. At panis non significat corpus & sanguinem: sed tantum corpus. Hoc probatur quia Sacramentum nihil significat præter id quod continetur in forma sua. Alit in forma panis exprimitur corpus; non sanguis. Itaque panis significat tantum corpus, non etiam sanguinem.

IX. Sed Bellarminus contra. Significatio Eucharistia duplex est: significatio interna refectionis: item significatio vnionis fidelium inter se, & cum Christo. Alit vtrique significatio reperitur in vtraque specie. Ergo in vtraque specie reperitur significatio Eucharistia. Probat assumptum. Quia in specie panis significatur sufficienter refectio animæ; etiam non addita specie vini: & contra. Nam etiam si species panis non significet refectionem spiritualem, nisi per modum cibi; & vini, nisi per modum potus: tamen vt aliquid dici possit absolute & vere Sacramentum; satis est vt significet refectionem aliquam spiritualem; & eandem reuera efficiat. Præterea, ex parte rei significata nihil deest vlli speciei: quia in refectione spiritali non distinguuntur cibus & potus.

X. Rursus, in specie panis etiam sola, optime significatur vnio fidelium cum Christo & inter se: Nam panis quatenus constat ex multis granis significat vnionem fidelium: quatenus autem constat ex farina & aqua, significat vnionem Christi cum Ecclesia; teste Cypriano, Epistola sexagesima tertia. Vnde Paulus dixit, *Vnum corpus sumus, qui de vno pane participamus*.

XI. Respondeo, negati assumptum. Et primum reperiri sufficienter refectionem animæ. Nam relectio sufficiens est in cibo & potu. Non seorsim, sed coniunctim. At in pane nullus est potus, in vino nullus cibus. In neutro igitur seorsim sufficiens relectio. Bonauentura quæstione secunda articuli secundi partis secundæ, distinctione octaua quarti sententiarum, *Ratio talis integritatis, & ordinationis vnus dispositiue venit à natura: quia nec panis est per se plene reiciens, nec vinum: sed vtrumque: & vna plena relectio in natura venit ex vtroque: & ita disposita sunt ad vnam refectionem signandam. Sed completiue venit ab institutione diuina, qua vna institutione hæc duo signa ordinauit ad significandum vnam plenam refectionem: & ideo vnum Sacramentum ratione natura, & institutionis diuina*. Thomas tertia quæstione septuagesima tertia, articulo secundo, *Vnum dicitur non solum quod est indiuisibile, vel quod est continuum, sed etiam quod est perfectum; sicut dicitur vna domus, & vnus homo. Est autem vnum in perfectione, ad cuius integritatem concurrunt omnia, qua requiruntur ad finem eiusdem: sicut homo integratur ex omnibus membris necessariis ad operationem animæ; & domus integratur ex omnibus partibus, qua sunt necessaria ad inhabitandum. Et sic hoc Sacramentum dicitur vnum. Ordinatur enim ad spiritualem refectionem, qua corporalis conformatur. Ad corporalem autem refectionem duo requiruntur, scilicet cibus, qui est alimentum siccum: & potus, qui est alimentum humidum.*

humidum. Et ideo etiam ad integritatem huius Sacramenti duo concurrunt, scilicet spiritualis cibus, & spiritualis potus. Durandus quæst. i. dist. 8. Quartum, Eucharistia est unum Sacramentum. Non enim unitas Sacramenti, est unitas indivisibilitatis, ut puncti, vel continuitatis, ut linea, vel essentia, ut in simplicibus, & compositis ex forma substantiali & materia; vel suppositi, ut subiecti & accidentis sed est unitas perfectionis, qua consistit in concursu omnium, qua requiruntur ad consequendum finem, ad quem res ordinatur: sicut domus dicitur una, vel calcamentum unum, quando concurrunt omnia qua requiruntur ad inhabitationem congruam, vel ad debitum tegumentum pedum. Hoc autem Sacramentum diuinitus est ordinatum ad refectionem spiritualem, qua per corporalem significatur: nec est perfecta, nisi in ea ponatur aliquid ut cibus, & aliquid ut potus.

XII. Quod vero Bellarminus opponit, ut quid Sacramentum dicatur, sufficere significari refectionem aliquam spiritualem; argumento est, non inutiliter a nobis distinctam rationem Sacramenti, à cuius ambiguitate Sophista decipiendi occasionem captat. Nemo enim negare potest, id sufficere ad rationem Sacramenti: id est, ut quid Sacramenti nomine generaliter appelleretur. Sed hoc potius agitur, utrum sufficiat ad rationem huius Sacramenti, nimirum Eucharistia: quod non concludit argumentum. Dominicus Soto in 4. distinct. 8. art. 1. Negatur, dum sumitur solum corpus, sumi totum Sacramentum, quod integritatem eius representationem: quoniam cum ex vi consecrationis non sit illic nisi corpus, non est illa nisi cibus sine potu: nam ad potum requiritur sumi sanguinem, qui sit primo per se illic ex vi consecrationis. Et pariter dum sumitur sanguis, non est nisi potatio, & non cibus.

XIII. De re significata, non est quod agam prolixius: quia huius ratio longe est diuersa à ratione signorum: Certe res significata, neque editur, neque bibitur. Cuius rei argumentum est illud ipsum quod vere Bellarminus asserit, non distingui hic cibum & potum: neque enim fieri posset vlla ratione, ut non distingueretur, si vere utrumque esset. Nos ergo cum agimus de edendo & potando distincte, satis indicamus non agere de re significata: quæ quod eadem notione edatur & potetur; vere neque edatur, neque potetur: sed tantum metaphoricè. Et certe nemo vnquam dixit per corpus Christi editum, & sanguinem potatum, significari sacramentaliter vitam nostram spiritualem: nimirum qui sit ipsa potius vita nostra spiritualis. Signum autem & significatum non possunt non diuersa esse. Ac sane, ut alias diximus, & expresserunt Bonaventura, Thomas, Durandus, significatio vitæ spiritualis est in analogia vitæ corporalis, ad quam nihil pertinet corpus & sanguis Christi. Itaque rationem integre refectionis sacramentalis, absurdissimum est inquirere in re significata.

XIV. Quod attinet ad vniionem, siue inter nos, siue cum Christo: primum superfluum est respondere. Nam cum positum sit utrumque requiri in Sacramento hoc, ut significet & refectionem: & vniionem, satisfactum nostris partibus est, si ostenderit non significari refectionem. Sed insuper, hæc vniio significari non potest, nisi secundario; id est, ex præsupposita Christi communionem per esum & potum; quæ ratio est Sacramenti ex institutione. Neque aliam Scripturam vllam docuit, etsi lasciuens antiquitas illam granorum multitudinem inquiserit; pompe magis causa, quam soliditatis. Neque nobis persuaderi potest Paulum propterea solius communicati panis meminisse, ut in eo solo rationem vniionis constitueret, sed breuitatis potius, partem vnã pro ambabus nominasse.

XV. Hæc de significatione. At de causalitate, seu efficientia: Totam nasci ex Christo sub speciebus contento, qui cum sit totus sub vtraque; eandem efficientiam esse etiam sub vtraque necesse sit.

XVI. Sed ista supponunt fundamenta controuersa: imo etiam refutata. Præterea, cum eorum sit, ut alias constitutum; haud aliam esse Sacramentorum efficaciam, quam significationem, manifesta conclusio est; non alia effici, quam significari. Quare cum panis non significet sanguinem, non posse etiam efficere eius communionem.

XVII. Pergo ad secundum argumentum. Quælibet species, inquit, habet propriam materiam, propriamque formam; & propria quadam actione ac consecratione conficitur, nec vllò modo vna pendet ab alia, ut sit Sacramentum.

XVIII. Esto sane: sed quid tum? Nam hoc quidem valet, ut probetur Sacramenti definitionem genericam vtrique conuenire, id est, tam vere & seorsim panem esse Sacramentum corporis, quam vinum sanguinis. Sed ut sit ille æque sanguinis ac corporis, aut hoc æque corporis ac sanguinis; infirma affirmatio est. Nam nec materia patitur; & forma, siue consecratio aliter habet.

XIX. Tertium argumentum à fidelium consensu. Nemo enim hostiam consecratam videns, dicit esse partem Sacramenti, aut Sacramentum mutilum, sed Sacramentum simpliciter omnes appellant.

XX. Eadem sophistice. Appellat Sacramentum, quomodo pedem corpus, notione generali. Sed proprie tamen qui sapiunt appellant Sacramentum corporis panem, & calicem Sacramentum sanguinis. Atque inde etiam utrumque partem Sacramenti, nempe Eucharistia. Certe Gelasij verba erant, *Sumpta tantummodo corporis sacri portione, à calice sacrati cruoris abstinent.* En tibi portionem. Et Iulius, *Complementum communionis dicebat.*

XXI. Quartum argumentum: à figuris Testamenti Veteris. Quæ enim figuræ erant Eucharistia, ut Sacramentum est, in sola specie manducabili consistebant, vel in sola specie potus, ut patet de pane propositionis, Agno Paschali, de Manna, quæ sine potu data sunt, & in aqua de Petra scaturiente, quæ sine cibo mystico.

XXII. Respondeo nullam hinc legitimam esse consequentiam. Quia non sit necesse typos ad amissim respondere rebus significatis. Sic serpens in deserto elatus, fuit figura Christi crucifixi, & tamen ex serpente nullus fluxit sanguis, qui tamen multus fluxit à Christi corpore. Rursus, neque in Scripturis, neque apud Patres legas Panes propositionis, Agnum Paschalem, Manna, typos fuisse sanguinis Christi, aut aquam ex petra, corporis. Sed distincte hanc sanguinis illa corporis. Et quidem in Manna, & Aqua, disertissimus Paulus, non tantum coniungens ambo, quod fatetur Bellarminus, sed etiam suis discernens characteribus cibi, & potus. Nam quid tum si duæ fuerint distinctæ figuræ? quid tum si diuersis tempo-

ribus data? Nobis satis est, non permutari, ut Manna sit typus calicis, aut quæ typus panis. Oecumenius, *Ἐφαρον, εἶον τὸ μὲν ἄν, ὡς ἄν καὶ ἡμεῖς τὸ σῶμα καὶ τὸ αἷμα. Πόμα πνευματικόν, εἶον τὸ ἐν τῷ ἀκαθάρτου πνεύματος ἀπολύτου ὕδατος, ὡς ἄν ἡμεῖς τὸ αἷμα καὶ τὸ σῶμα.* Edebant, videlicet manna, sicut & nos corpus Christi. Potum spirituale, videlicet aquam scaturientem ex prærupta petra; sicut nos sanguinem Christi. Chrysostomus, *Ἐπορεύθη ἡ λέξις σὺμβολοῦ; τὴν ἑκατέρωθεν τῆς ἰσοῦς ἀπεικονίζουσα, καὶ τὴν πρὸς τὸ σῶμα ἰδιότητος τὸ δεσποτικόν, ἕως οὗ αἰετοῖ τὸ μὲν καὶ τὸ ὡς ἄν ἐπὶ τὸ αἷμα πνεύματος ἁγίου οὐκ ἀπολύτου ὕδατος ἐν πνεύματι.* Et hoc quidem est symbolum, seu signum lauacri: quæ autem sequuntur sacra mensa. Quomodo enim tu comedis corpus Domini, sic illi manna: & quomodo tu bibis sanguinem, sic illi aquam ex petra. Anselmus, *Manna & aqua illa dicuntur nunc spiritualis cibus & potus, quia non mundi lege, sed Dei virtute sine elementorum commixtione ad tempus creati sunt, habentes in se figuram corporis & sanguinis Domini. Vel eandem escam corporis Christi, quam nos in pane manducamus, ipsi manducauerunt, in manna: & eundem potum sanguinis Christi, quem nos ex calice bibimus, ipsi biberunt ex petra.*

C A P. X.

Verum maior sit vtilitas in vtraque specie, quam in altera.

I. Sequitur quæstio tertia: Verum tantus sit vnius speciei fructus, quantum vtriusque simul: quæ disputata non soli Bellarmino, sed etiam Salmeroni, Beccano, Hesselio, Groppero, Caietano, Vasqui, aliis. Sed in diuersas sententias. Nam, *Difficilis sane quæstio, inquit Salmeroni, propterea quod ex antiquis quicquam vix habemus, unde possimus tam decidere, ut propterea Doctores, qui de hac re loquuti sunt, in varias sententias inierint.* Bellarminus, *Hæc propositio non est adeo certa: de hac enim varie sentiunt Theologi, neque Concilium etiam aperte definire videtur.*

II. Et reuera alij affirmant. Hesselius, *Non esse plus fructus spiritualis ex communionem sub vtraque specie, quam ex communionem sub specie panis tantum.* Beccanus, *Ex vna specie non minor fructus percipitur, quam ex vtraque.* Bellarminus, *Nihil spiritualis fructus capitur ex duabus speciebus, quod capitur ex vna.* Vides quidem alios fructum simpliciter dicere, alios determinati fructum spirituale: sed non putem propterea dissentire inter se. Veruntamen Vasques, *Probabilior, inquit, sententia semper mihi visa est eorum, qui dicitur, maiorem fructum gratia ex vtraque specie huius Sacramenti, quam ex altera tantum percipi: ac proinde eos, qui calicem sumunt, nouum augmentum gratia consequi.* In qua contradictione magnum nobis momentum: quia constat aduersarios disputare aduersum nos ex iis fundamentis, quæ non nobis tantum sunt suspecta: sed ne ipsi quidem inter se habeant pro indubitatis.

III. At nos semper distinguimus res significatas, à rebus significantibus, & utrovis modo absurde dicimus asseritum; ex vtraque eundem fructum sumi, quem ex alterutra. De rebus quidem significatis, quoniam vna sine altera, corpus, inquam, sine sanguine nunquam sumi possit, propter naturalem illam concomitantiam, quam diximus.

IV. De significantibus autem: quoniam hæc fructus acceptio metienda est ex efficacia: Hæc autem est in significando. Quare nihil signa efficiant, quod non significant. At panis non significat sanguinem: viduum non corpus: Quare neque panis efficit in nobis sanguinem; neque vinum corpus. Quare qui alterutrum sumit duntaxat, profecto secundum hoc genus efficaciam, id est, propriam; non recipit rem significatam ab alio. Hoc sensu, puto, recte dictum Hailbrunensi, *Sub duabus speciebus, est maior significatio.* Hesselio, *Hoc Sacramentum perfectioris esse significationis sub vtraque specie, quam sub vna.* Quod si verum; non potest non esse maior fructus sub ambabus, etsi Hailbrunius negare voluerit sequi.

V. Præterea maximi momenti post Institutio Christi, de qua Ambrosius in ii. prioris ad Corinthios, *Indignum esse Domino, qui aliter mysterium celebrat, quam ab eo traditum est.* Et Canone, *Comperimus, à Gelasio Papa, Diuisio vnius eiusdemque mysterii sine grandi sacrilegio non potest peruenire.* At profecto, qui indigni sunt Domino; qui sacrilegi, iidem fructum nullum percipiunt ex hoc Sacramento: qui potius sibi iudicium manducant. Quomodo ergo tantum in vna, quantum in duabus speciebus.

VI. Bellarminus, antequam de re disputet directe; occupat dicere; Licet plus gratia & fructus ex vtraque specie, quam ex vna tantum caperetur, non propterea opus esse, vel expedire, ut omnes vtramque speciem sumant. Et probat: Quia ex duobus malis, semper eligendum sit minus, esse autem minus, homines aliquos carere bono non necessario, quam Sacramentum, euidenti periculo irreuerentiæ exponi. Deinde exemplo confirmat; quia cum Sacerdotium conferat gratiam, non expediat tamen omnibus fieri Sacerdotes. Item, quia etsi paruulis Eucharistia sit gratiam collatura, tamen quia non indigeant necessario, nec sine irreuerentia eis dari possit; non detur.

VII. Sed hæc omnia importune dicta sunt, & inutiliter. Importune quidem; quia pertinent ad refutationem eorum, qui hoc argumento vterentur ad asserendam necessitatem vtriusque speciei. Quos ego quidem nullos vidi. Non certe nostros: nam nec aduersarij vllum nominare potuerunt. Neque sane conclusimus vnquam necessitatem Eucharistia: quomodo ergo vtriusque speciei? Sed tantum necessitatem vtriusque speciei, posito vltu Eucharistia: Neque ex eo antecedente, sed ex vi institutionis. Itaque nulli bono hoc quæsitum, nisi quomodo Thraones delectantur cum vmbra bellum gerere: ut ex stramineis hostibus, imaginarios triumphos referant.

VIII. Inutiliter autem; primo, quia non confirmetur thesis suscepta, de prohibitione alterius speciei: quandoquidem non sequatur, esse prohibendam, si non sit necessaria. Deinde quia nullum argumentum non est absurdum.

IX. Minus malum esse eligendum concedimus, in iis quæ dicuntur mala peccati, sed negamus in malis culpæ. Nullo enim casu vllum horum eligendum, sed omnia repudianda: quoniam non faciendum malum, ut eueniat bonum. Violari autem institutionem Christi, malum est culpæ. Deinde ab eo vitandum malum est, cui malum est. Cui ergo tu hoc maius minusve

in se malum dicitur? Communicantem; an distribuentem, siue Pastori, siue Ecclesie: Nam communicantem quidem, nego vllum malum esse periculum irreuerentiae: sed tantum ipsam irreuerentiam: quae longè distat à periculo: quomodo periculum mortis, non est mors. At communicantem malum est, & quidem praesens diuisio vnus eiusdemque mysterii sacrilega. Quare cum negari nequeat praesens malum esse maius malum, eo quod vel non est malum, vel nondum est: patet sequi, eligendum periculum irreuerentiae, potius quam distractionem sacrilegam. Sed de isto periculo erit alias agendum plenius.

X. Non expedire, ait, omnibus Sacerdotibus esse. Et tamen, inquam, nulli prohiberi. Cur tu potius non pateris calicem dari? Sed ratio tamen diuersa est. Quia Sacerdotium non eo institutum, vt sit commune cunctis fidelibus. Itaque numeratum semper inter *καθηκοντα* discernentia fidelium ordinis. Quo in numero nunquam fuit Eucharistia. Nunquam ideo dictum; Non expedire omnibus fidelibus Eucharistiam sumere: sicut dictum non expedire, imo non posse omnes esse Sacerdotes. Certè Paulus dixit ad Ephesios quarto, *Alios Apostolos, alios Prophetas, alios Evangelistas, alios Pastores, & Doctores*: nunquam aut ei, aut vlli Christiano dictum: alios communicantes panem, alios calicem: siue alios corpori Christi, alios sanguini.

XI. Parulis gratiam conferendam ab Eucharistia; falsum est. Nulli enim ea prodesse potest contra institutionem suam. At infantibus hanc dari, contra institutionem certum, etiam concedentibus non paucis Papistis, vt alias annotatum. Falsam ergo causam Bellarminus commentus est cur sitis interdicta. Non enim quia non necessaria, vel ob periculum irreuerentiae, sed propter institutionem.

XII. Eiusmodi praesidium fuit Bellarmini. Nunc ipse ludus erit. Frustrum distinguit secundum Catholicos, & secundum Papistas. Et primo, Eius fructus, inquit, quem Lutherani omnes in Sacramentis quaerunt, non minus percipiunt, qui sub vna specie communicant, quam qui sub duabus. Hoc probat. Quoniam hic omnis est in significatione: At iste fructus melius obtinetur, videndo Eucharistiam in mensa; quam ea manducando. Rationem addit: quia dum manducatur, perit significatio: at dum cernitur, & attente cogitur, semper repraesentat, & significat promissiones Dei. Praeterea significatio melius apprehenditur per oculos, quam per gustandi sensum: cum ille sit longe spiritalior & aptior ad intelligentiam iuandam.

XIII. Suntne ista seria, an iocularia? Iudiciosa, an puerilia? Profecto Iesuitica. Et Iesuitis non indigna iocularia sophismata; pueriles delirationes. Non negamus, etsi omnis efficacia Sacramentalis sit in significatione, posse totam percipi in altera specie. Et contra potius asserimus, quia sit in significatione, non posse in altera specie.

XIV. At obtinebitur, ait, tam videndo, quam manducando. Respondeo primum, si concederetur, tamen non sequi quod probandum. Quia vtraque foret species videnda; non alterutra. Quomodo, quia non serpens in deserto sanabat, sed serpens appensus ergo vtrumque videndum fuit, & serpens & crux in qua appensus: vel quod idem est; serpens appensus cruci. Sic omnino si per visum prodesset Eucharistia; vtrumque videndum esse, & panem, & vinum: quia Eucharistia non sit panis solus, aut vinum solum.

XV. Deinde negatur vllum fructum ex Eucharistia percipi videndo. Ratio facilis: quia non sit instituta vt significet ea ratione: sed alia. Augustinus de doctrina Christiana lib. 2. c. 3. *Signorum quibus inter se sua sensa communicant, quaedam pertinent ad oculorum sensum, pleraque ad aurium, paucissima ad caeteros sensus. Nam cum inuimus non damus signum nisi oculis eius, quem volumus per hoc signum voluntatis nostrae participem facere: & quidam motus manuum pleraque significant. Ad aures autem quae pertinent, plura sunt, in verbis maxime. Nam & tuba, & tibia, & citara, dant plerumque, non solum suauem, sed & significantem sonum. Sed omnia signa verbis comparata paucissima sunt. Verba enim promissa inter homines obtinuerunt principatum significandi quacunque animo concipiuntur, si ea prodesse quisque velit. Nam odore unguenti Dominus quo perfusi sunt pedes eius signum aliquod dedit: & Sacramento corporis & sanguinis praegustato, significauit quod voluit: & cum mulier tangendo simbriam vestimenti eius, salua facta est, non nihil significat. Sed innumerabilis multitudo signorum, quibus suas cogitationes homines exerunt, in verbis constituta est. Recte. Tria sunt genera signorum: Alia enim obiecta sunt visui, alia auribus, alia reliquis sensibus. In primo ordine gestulationes: in secundo sonos: in tertio cum alia, tum Sacramentum corporis & sanguinis Christi. Porro, cum inuimus, non damus signum nisi oculis: nempe igitur nutus non significant per aurem, non per odorem, non per gustum. An magis soni per oculos, gustum, odorem? An magis odor, & gustus, per aures & oculos? Quare cum Eucharistia pertinet ad gustum (sic enim Augustinus) ridicule Sophista dixit aequè significare per oculos, id est, videndo.*

XVI. Fateor manducando perire significationem, cum pereat gustus: sed quid hoc monstri est? Aut quis vnquam minorem significationem dixerit eam, quae cito perit, quam quae omnino nulla sit? Quid illud, significationem melius apprehendi per oculos, quam per gustum? Omnemne? Omnem, inquam, significationem, etiam sonorum, etiam gustuum, etiam odorem, magis apprehendi per oculos? Iunguntur iam gryphes equis: a quoque sequenti *Cum canibus timidi venient ad pocula dama*. Esto sane visus longe spiritalior; sed in iis quorum sit capax. Nam in reliquis ne sensus quidem est, nedum sit spiritalior. Nego, inquam, in audibilibus, in odoribus, in saporibus, vllum esse oculorum sensum: quomodo nullum etiam aurium in coloribus: & sic in caeteris. Itaque dico in Eucharistia, quatenus Sacramentum est Eucharistiae, vllum esse oculorum sensum: quomodo in Baptismo nego vllum esse gustum, sed tantum tactum: in serpente appenso, vllum aut tactum, aut gustum, aut aurium, sed oculorum. Vnde haec necessitas sit quaerens: Simpliciter, & vno verbo respondeo, ab institutione.

XVII. Hanc disputationis partem longe fufius exsequitur Beccanus, & nugacius exagitat. Contra Lutheranos, Fides excitatur, vel ex aspectu Sacramenti, vel ex auditu verborum quae recitantur in administratione: vel ex sumptione Sacramenti. Si primum: ergo frustra vigeret sumptio vtriusque speciei; & huc congerit multas ineptias: quibus recitatis nunc nihil o-

pus. Si secundum: rursus non vrgenda vtraque species: quia Laici audiant verba etiam cum communicant vni speciei. Sin tertium: ergo vel externa actione sumendi: vel interna fide & deuotione sumentium, vel speciebus panis & vini, quae sumuntur, vel corpore & sanguine Christi, quae sumuntur. Si primum, ergo sufficit vna species, quia in ea saluatur sumptio. Sin secundum, ergo fides seipsum excitare: imo fides adesse antequam excitaretur. Sin tertium, cum vna species contineat totum Christum; ergo haec sufficit. Sin quartum, at tam corpus quam sanguis continetur in vna specie. Haec contra Lutheranos. Iam Calvinistis obicit incertos esse, vtrum Christus sit realiter praesens, quomodo comedatur & bibatur, & denique quis sit fructus manducationis & bibitionis Sacramentalis? Quare hoc genus hominum missum facit, apud quos nihil solidi reperiat. Qui vti iam ei finis esset ineptiendi.

XVIII. Hic de iis quos Calvinistis appellat, non est opus quicquam dicere: nam quae ille incerta dixit esse; etsi impudentissime conquisita sint; tamen alio pertinent. In caeteris illud de aspectu, simpliciter negari satis est, vt contra Bellarminum. Quorsum enim cum morione luderemus? De Verbis aequè inceptum. Nam etsi negari non possit habere ea suam efficaciam: tamen cum non fiat ipsa Sacramentum, sed efficiant; omnino oportet disparari, cum de efficacia Sacramenti agitur: quod ita distinguitur à Verbo: vt cum hoc sit signum pertinens ad aures, illud potius ad alios sensus, & in Eucharistia quidem, ad gustum; ad quem refertur manducate & bibere. Itaque duntaxat legitima consideratio est tertia, nimirum sumpti Sacramenti.

XIX. Hic igitur an saltem ille non pigabitur? Frustra species, natus ei morbus est. Vel externa sumptio, inquit: vel fides sumentis: vel species, vel corpus & sanguis. Imo, inquam, fides nihil ad rem: Corpus & sanguis, nihil ad rem: quia ne haec quidem sunt Sacramenta: quandoquidem ad nullos sensus pertineant. At nostra haec disputatio agit de efficacia Sacramenti, scilicet panis, & vini, quae sunt Sacramenta. Incepta autem disputatio est sumptionis externae & specierum. Nam ex iis constat materia nimirum in clementia remota; in sumptione propinqua, non potest species sine sumptione esse Sacramentum; sumptio autem absque specie, ne esse quidem. Dicimus ergo hanc, quam inquirimus, efficaciam sacramentalem esse in vtraque specie sumpta, siue in sumptione vtriusque speciei.

XX. Sed in vna specie saluatur sumptio, inquit. Recte, inquam, sumptio eius speciei: nam profecto qui sumit panem, sumit aliquid: quod aequè potuit de nucibus dici, de fungis, deque aliis, sed non sumptio vtriusque, quam vrgemus. Quis enim tam supine *μακροζ*, vt esum & potum vnam eandemque numero actionem putet; cum ne species quidem sit eadem? Rursus. In vtraque specie totus Christus. *ἕνα νομοῦ* perpetuus: & ex profecto refutatus à Salmerone, Nam cum vnus & idem Christus, inquit, sit in diuersis hostiis sumptis distinctis diebus, atque in vna sola: eadem plane gratia conferenda esset semel communicanti, atque plures Eucharistiam religiose percipienti.

XXI. Missis tandem nugis; nunc *ὡς τὸ ἄρτος*, de fructu secundum Papistas, quando sic distinctum oportuit ad Bellarmini mentem, id est, vt ego interpretor, quid de quaestione sit sentiendum semoto partium prauidicio. Tantum ergo vtilitatis redire ex vna specie, quantum ex ambabus probatur Bellarminus, vna sola fuit ratione contentus, sed alij & alias conquisierunt, & Scripturas indicant, nec non ausi Patres sollicitare. A Scripturis nostro more inicitur esto.

XXII. Scripturae locos habent non plures tribus, annotante Salmerone. Primum ex Ioannis sexto, vbi cum ample Dominus loquutus fuisset de Incarnationis mysterio, postea ex illo loco, *Ego sum panis viuus qui de caelo descendì, si quis manducauerit ex hoc pane, viuet in aeternum, & panis, quem ego dabo, caro mea est pro mundi vita*, manifeste de Eucharistia incipit habere sermonem, vique ad finem capituli, & quater facit mentionem de solo pane manducando, vbi intelligendum est, Christum in specie panis manducandum per fidem. Ter autem meminit manducationis carnis, & bibitionis sanguinis simul, sine vlla mentione panis aut vini. Ex quibus cerne licet, Dominum eosdem fructus & effectus soli manducationi panis tribuere, qui manducationi carnis, & bibitioni sanguinis adscribuntur. Cum igitur in hoc capite, vbi perfectum sermonem de fructu Eucharistiae tradidit, iidem prorsus effectus tribuantur manducationi panis; qui esui carnis, & bibitioni sanguinis, sequitur quod pactum instituerit de pari gratia danda, siue in altera, siue in duabus quae communicet.

XXIII. Soli manducationi panis eosdem fructus tribuere, quos manducationi carnis & sanguinis, distinctione explicandum est. Panis enim alius metaphoricus est, alius Sacramentalis. De Metaphorico concedo sane: nam is ipse Christus est, siue maui, ipsum Christi corpus, siue, vt semper eo capite nominatur, caro: quam, vel solam in eo sermone nominari satis fuit, tum quia nunquam comedatur, quin itidem sanguis bibatur; quandoquidem separari nequeant, tum vero etiam, quia edere carnem, & bibere suum sanguinem, vnus idemque actus sit indiuiduus, quandoquidem vt confessi sunt ipsi aduersarij, res vna eademque sit, tantum variis metaphoris explicata, quemadmodum in Baptismo induere Christum, & Christo conspeli. At nos sapius iam potestati sumus non disputari de re in Sacramentis significata. Itaque hoc sensu argumentum est extra thesim.

XXIV. Verum de pane proprie dicto, siue Sacramentali, negamus verum esse, aut à Christo dictum. Non enim concedimus eo capite vnquam loquutum Christum de Eucharistia, sed tantum de re significata in Eucharistia, quod alias disputatum sumus, Deo annuente. Nunc enim cur prolixius disputarem, quod Sophista nullo sulcit argumento? Imo quod neque audeat certo affirmare, sed tantum, *Videtur, inquit, sermonem texere de Eucharistia* Sic facile discussa haec nebula.

XXV. Secundum locum habuit ex prioris ad Corinthios 10. *Calix benedictionis cui benedicimus, nouae communicatio sanguinis Christi est? Et panis quem frangimus, nonne participatio corporis Domini est? Quoniam vnus panis, & vnus corpus multi sumus omnes, qui de vno pane, & de vno calice participamus.* Nam hic, ait, illud, & de vno calice, abundat praeter literam Graecam. Et tamen ex vtraque lectione disputat argute. Ex Latina sic Participatio

bus, id est, sacrificiis, quæ in liquida materia offerebantur, puta in vino, & oleo, & huiusmodi non fumerent offerentes, sed soli Sacerdotes. Repetit Costerus, ac nos etiam paulo ante attigimus.

III. Respondeo, nihili hanc causam esse. Primo, quia alioquin nulla debuit esse Sacerdotis communio calicis: cum in veteribus sacrificiis ne Sacerdotes quidem biberent quicquam, siue vini, siue olei. Nam vinum adhibebatur ad libandum. Quod autem libare vertit editio Latina; vt Exodi 29. *Et vinum ad libandum*, Hebraice est *וַיִּשְׂקוּ*, cui effusionis significatio est: Itaque Numerorum 15. illud *וַיִּשְׂקוּ* redditur, & *vinum ad liba fundenda*. De oleo vero nihil puto esse monendum, quod nunquam auditum est fuisse potui commodum.

IV. Secundo, quia distinguunt Papistæ in Eucharistia sacrificium à Sacramento: atque illud volunt esse Sacerdoti eximium: ad plebis certe communionem non pertinere. Itaque si non est ridicula hæc similitudinis affectatio, cur oportuit similitudinem sacrificiorum quæri in plebis communionem?

V. Tertio, contendunt aduersarij, Sacramentum Eucharistiæ esse æque veri nominis sacrificium, ac vltim ex veteribus. Quod si est, tum oportet genere quidem communicare: at non specie. Etenim etiam in veteribus ipsis variæ species fuere, continuorum, & pro peccato, & pacificorum; quæ singulæ suas habebant differentias. Similiter dico, cum sacrificium Noui Testamenti, non tantum numero differat à Veteribus, sed etiam specie propria separatur; non esse mirum, si non per omnia debeat illis esse simile. Nec potest dissimilitudo peti aliunde melius, quam ab institutione. Quare cum hoc institutum sit in edendo, & bibendo: illa vero tantum in edendo, tam profecto non sequitur in hoc debere tantum comedi, quam in illis comedi simul & bibi.

VI. Secundam rationem præbet idem Cardinalis: Vt cultus adorationis huic cœlesti Sacramento debitus totus referri intelligatur ad contentum sub speciebus illis, & non ad ipsas species sensibiles apparentes. Si enim necesse esset hoc Sacramentum dispensare omnibus sub duabus speciebus, cum sub altera specie totus Christus contineatur, & non plus sub duabus, quam sub vna, seu altera tantum, indubie crederetur species illas aliquod per se diuinitatis habere, & aliquid præstare virtutis, quod non parum periculosum esset, si animis influeretur fidelium. Ratiocinatio ita est. Si adoratio non speciebus deferenda, sed toti Christo: Ergo interdicendus fuit calix.

VII. Respondeo, ab ipsis Papistis saltem hodiernis, antecedens negari. Nam ij dicunt conceptis verbis adorandum Sacramentum: adorandas species; vt habes hoc ipso tomo libri septimi capite primo.

VIII. Secundo, consequentiam negari, tum ab eisdem, tum maxime à nobis. Etenim id periculi, si quod est, debet esse commune tum plebi tum Sacerdotibus; neque enim verum est si persuadetur plebi, periculum esse: at nullum si Sacerdotibus. Imo contra in Sacerdotibus periculosius: quia eorum est tum verbis, tum exemplo præire plebi: non contra plebis præire Sacerdotibus. Si ergo Sacerdoti persuadetur adoratio specierum; eadem influet in animos plebis, cui in adorando præibit Sacerdos primum exemplo; sed & verbis: atque ita hæc adoratio vniuersam Ecclesiam inuasa erit: At contra si plebs ita insanat, poterunt Sacerdotes esse sani: atque inde spes est posse etiam plebem sanari. Quare si hæc consequentia certa, debuerunt Papistæ speciem vini prohibere potissimam Sacerdoti. Quod eum non faciunt, ostendunt ne se quidem habere consequentiam necessariam.

IX. Nos autem concludendum potius dicimus, non adorandum Sacramentum, non adorandas species, quam prohibendas: æquo saltem iure cum Gregorio illo, qui Massiliensem Episcopum volebat imagines non auferre, sed earum adorationem prohibere. Et sane nemo hæcenus prohibendam dixit speciem vtramque: sed tantum alteram. Atqui non docent cur huic idololatriæ periculum sit in altera potius quam in vtraque. Cur, inquam, nullum periculum sit, ne sibi plebs persuadear adorationem panis ex eius necessaria communionem. Et tamen non tantum non docent species non adorandas; sed etiam vtramque distincte & adorant; & ostentant adorationis causa.

X. Denique cur ex communionem maius hodie periculum quam olim? Valuit per secula duodecim vtriusque speciei communio in promiscua plebe; nec tamen accusatur Ecclesia tanquam prolapsa in hoc incommodum. Quid noui accidit, quæso, ex eo tempore? Imo noster vsus contra docet. Nam apud nos cum omnes & calicem communicent & panem: omnes item adorent Christum; tamen nemo prorsus sibi persuasit aut adorandas species, aut species quicquam habere diuinitatis, aut præstare virtutis.

XI. Tertia ratio est rursus ab eodem. Vt aliqua differentia & distinctio dignitatis appareret inter Sacerdotes altaris ministros, qui vasa sacra sunt, & ad dispensationem huius Sacramenti specialiter consecrata; & residuum populum. Rationabile enim videtur, vt sicut Sacerdos potestatis prærogatiua in consecratione tantum ministerij à residuo populo distinguitur, ita aliquid habeat singulare dignitatis præ cæteris in vsu Sacramenti, sumendo ipsum sub vtraque specie, populo sub vna tantum sumente. Hanc eandem rationem paulo ante audiimus etiam à Roffensi. Concluditur in hunc modum. Si Sacerdotis prærogatiua esse debet in communionem: ergo calix interdicendus fuit laicis.

XII. Respondeo prærogatiuam in communionem dici in sensu, vt loquantur scholæ, vel composito vel diuiso. Composito vt ipsa communio sit subiectum prærogatiuæ; quomodo prærogatiua consecrationis est in consecrando, quod ipse solus consecret: at plebs minime. Hoc sensu negatur antecedens: nam alias docuit nos Chrysostomus, nihil esse discriminis inter Sacerdotem, & subditum, cum fruendum est diuinis mysterijs.

XIII. Diuisio autem sensu, prærogatiua erit in communicando, id est, in celebritate communionis; ita vt circumstantiæ communionis intelligantur. Et sic negatur consequentia. Nam seculis duodecim cum vigeret communio vtriusque speciei in populo, tamen sua erat certa Sacerdotibus prærogatiua: Nec vero ipse Christus propterea se discipulis æquauit, qui tamen eandem species discipulis dedit, quas sibi sumpsit. Et apud nos certe Pastoris nihil dignitati decedit. Ratio manifesta ab ipsis prærogati-

uis, primum in consecratione: deinde in distributione, tertio etiam in communionem primus sit omnium: & olim intra cancellos, siue ad altare: quomodo vidinus olim communionem laicam distinctam à clericali.

XIV. Venio ad quartam rationem multo prolixiorum: vt pote variis capitibus sæcundam; & longe plurimis autoribus famosam: qui etsi non omnia viderint; siue quod non omnibus omnia æque arriserint. Ea est à necessaria cautione partim hæreseon, partim incommodorum: vt valde se sollicitos persuadeant ne quid in Ecclesiam detrimenti inferatur à prima Christi institutione: seque adeo longe cautiore probent ipso Christo; cui non præuisa tot tamque magna incommoda.

XV. Hæreses has omnino reperio. Primam Nestorianorum, sed geminam. Nam Lorichius, Sumptio Eucharistiæ, inquit, designat vnitatem personæ Christi, contra hæreticos Nestorianos, qui duas in Christo fecerunt personas. At Hardingus, Vt Nestorij hæresis facilius extingueretur, qui ad alios errores, & hanc opinionem adiunxit, formam panis in Sacramento corpus Christi sanguine vacuum, vini formam sanguinem à corpore disunctum continere. Quanquam hanc posteriore opinionem, Slotanus nulli sit ausus adscribere. *Poterat*, inquit, *nasci error plerisque simplicioribus, quod sub specie panis solum corpus, velut quoddam ex angue cadauer, & sub vini specie solum sanguis Christi contineatur*, Cofferæus vero adscripsit Berengario. Tertia hæresis est, hoc Sacramentum sub vtraque specie de necessitate ab omnibus fidelibus fore sumendum. Hanc Cardinalis de Turrecremata Bohemis vendicat; Vasques autem Wiclefistis.

XVI. Hactenus hæreses. Nunc incommoda. Maxima illa, Auditores; & nullius alius remedij capacia: vt facile vel primo auditu iudicetis altissime omnia præuisa, prouisa; quæ Christo, quanquam alias non somnolento, neglecta. Primum, irreuerentiam miro verborum apparatu vrgent omnes ferme, *Deiuit enim*, ait Slotanus, *Ecclesiam omnia illa tollere, per quæ hoc diuinissimum Sacramentum quoties modo posset inhonorari. Cum enim ei honor maximus debeat, reuerentiæque maxima, summo opere cauendum erat, ne aliqua fieret iniuria, aut irreuerentia tanto Sacramento. Vehemens sane proœmium, nec sine plausu. Sed quam dicunt irreuerentiam? Idem Slotanus, Summa autem iniuria, summaque ei fieret irreuerentia, si in sumentibus non fuissent adhibita debita cura, ne quid sanguinis effunderetur, & daretur sanctum canibus, ac margaritis & spargantur ante sanctos*

XVII. Bene habet: intelligo in effusione sitam irreuerentiam. Sed quæ tanti metus causa, quæ Christo non mouerit, mouerit Papistas, Slotanus: *Cum non desint (ea enim est quorundam hominum rusticitas & socordia) qui vix circa discrimen aut iniuriam Sacramenti huius, illud suscipiunt sub specie panis: quomodo absque iniuria ac irreuerentia etiam sub specie vini suscipiant? Lorichius, Effusio facile contingeret in magna frequentia communicantium, si omnes ex vno, vel altero calice bibere deberent; dum vix caueri posset, quarundam guttarum effusio. Rursus Slotanus, Cum ad mortuos portaretur, siue eques, siue pedes, quis ferret. Nam deferendum plerumque per longa viarum intervalla, in quibus Sacerdos deferens posset collabi in terram, & sacrum sanguinem effundere: sed & periculum in sumpuris maxime iis, qui nauisam ex gustato vino paterentur. Hesselius, Aegrotantes sæpe tales domos habitant, in quibus valde incommode conueniri possint, vt facile aliquo casu futura sit effusio. Habes quinq; causas effusionis curiosissime indagatas: rusticitatem, socordiamque quorundam: frequentiam communicantium, equitatem, peditumque lapsum: ægrotantium nauisam: domorum incommodatam. Inunc & negato Papistas fuisse exacte curiosos. Bene: quod non inciderint in eum qui diceret, non amoniam diligentes.*

XVIII. Alterum incommodum in conseruatione. Eckius, Non facile Sacramentum vini conseruari posset infirmis; quia acefcit, putrescitque, mouens nauisam, vel vomitum sumentibus Hesselius, Neque facile huic incommodo remedium adhibeas. Iniungere enim Sacerdoti parochiæ, vt quotidie rem diuinam faciat, quotidie renouet Sacramentum, quod pro infirmis custodiat, nimis est durum & arduum; neque hoc vquam sancti Patres præceperunt.

XIX. Tertium incommodum in vini quantitate. Vbi prima penuria est. Nam, inquit Vasques, in quibusdam regionibus pro omnibus qui communicent tanta vini copia vix haberi posset. Lorichius, in magna frequentia communicantium Sacerdos scire non posset, quantum debeat vini consecrare, ne aut deficiat aliquibus, aut multum superfit. Deinde Vasa sunt. Eckius, In tanta multitudine, quo vase comode contineretur Sacramentum vini, & sine effusione promeretur? Hesselius, Necesse esset in parochiis; vbi mille vel plures sunt communicantes plurimum vini consecrare; & hoc vel in vno maximo calice, siue cantharo, vel in variis calicibus, & cantharis. Atqui Innocentius quartus in 3. Decretalium, titulo de celebratione missarum, c. *Ex parte*, dicit non esse decens tantum sanguinem conficere, vt in monasterio Cisterciensium quilibet monachus aliquid meri sanguinis bibat. Et Gregorius primus ad Augustinum, siue potius Gregorius tertius ad Bonifacium, In missarum solennijs, inquit, illud obseruandum est, quod Dominus noster Iesus Christus sanctis suis tribuit discipulis. Accepit namque calicem & dedit eis. Vnde congruum non est, duos vel tres calices in altario ponere.

XX. Postremum incommodum à diuersitate Ecclesiarum. Hesselius, Ex communionem vtriusque speciei admodum oneraturam dissensionem, quandam, ac diuisionem regnorum & populorum: diuitem & pauperum, sanorum & morbidorum, circa Sacramentum vnitatis. Regna enim & populi apud quos non est vinum, aut non nisi difficulter, grandique pretio haberi potest, vt sunt Noruegi, Dani, alique populi Septentrionales, aut non habebunt pro totius populi communionem vinum, aut admodum difficulter: cum contra calidarum regionum populi facillime etiam diuersi generis vinum habeant. Nonne igitur hic statim apparebit diuersitas quædam Christianorum populorum circa Sacramentum pacis? R. cheomus, Olim alij communicabant sub vna specie, alij sub vtraque: alij sub specie panis. Ecclesia autem conuenientius visum, atque æquius æquare etiam ceteroniam.

XXXVIII. Sed vos video in accidentariam irreuerentiam potius bilem vestram exonerare. Nam certe effusio, vomitus, & similia, non sunt voluntatis effectus, sed externi actus: & quidem, vobis testibus, seiuncti à voluntate. Neque enim eos accusatis qui destinato effuderint, sed fortuito aliquo casu, non qui vomitu sponte elicito, sed infirmitate corpusculi excitato, eicit, quod iniecerat. Atqui hæc non sopistice est, sed amentia. Etenim hæc nulla irreuerentia est. Quia videlicet quicquid hoc est exterarum rerum, ex affectu metiendum est. Atqui in huiusmodi casibus nullus effectus; imo oppositus affectus potius. Nam qui ex infirmitate corpusculi vomit, huic ingratum est, quod vomat: itaque tum accessit ad communionem, tum hoc ipso dolore testatur suam in res sanctas reuerentiam. Cum ergo, qui casu occidit hominem, ne Deo quidem iudice, censetur homicida, quia voluntatem nullam habuerit occidendi: multo magis cui animus est reuerenter sumendi sanguinis, si repente lapsus corruat, aut stomacho æger vomat, non potest à non iniquis iudicibus damnari irreuerentia.

XXXIX. Itaque & vos, vobis de more non constantes, contra alias iudicatis. Primo, in specie panis; quam prohibuistis nunquam: etsi sciatis aut iisdem, aut similibus incommodis obnoxium; potest enim in terram cadere, æque ac vinum: potest corrumpi, atque inde nauseam mouere: potest euomi: non enim vinum solum ægrotis vomitum ciet; verum etiam solidus cibus: itaque hic etiam apud vos cautela quædam. Secundo, non sunt hi casus tam proprii laicis, vt non pertingant ad Sacerdotes: alioquin quorum Canon ille, *Si per negligentiam*, distinctione 2. de consecratione? Et tamen nondum vobis in mentem venit Sacerdotibus prohibere calicem. Cur tam varie?

XL. Nam quod regeritis, & in pane leuius damnum esse, quia possit colligi: & in Sacerdotibus minus frequens periculum, quam in plebis multitudine: id vero æque ineptum est. Nam quod panis colligi possit, damnum quidem minuit, sed reuerentiam non auget. At vos irreuerentiam causamini; non damnum. In Sacerdotibus agnosco minus sæpe effusionem accidere, sed tamen accidere posse, non negatis. Esto sane; raro accidat. Hesselius hæc scripta reliquit, *Demus in triennio* (cur non etiam quadriennio, quinqueennio, decennio) *semel tantum cantharum alicubi euerit: nonne grande est sacrilegium commissum, ac proinde iustus, atque inexplicabilis fidelium gemitus?* Quare siue crebro fiat, siue raro, tamen eadem ratio est, nisi mentitus sit Hesselius.

XLI. Rursus nego in hac accidentaria irreuerentia tantum incommodum esse, quantum in prohibita communione calicis: quod caput cur consideratione sua indignum habuerint Sophistæ non facile dixerim. Primum igitur; incommodum perpetuum longe maius est incommodo raro. At interdictum calicis, & perpetuum est, quod patet ipso vsu: & incommodum: nisi forte nullum commodum fuerit in institutione: & frustra Christus aliquid egisse dicatur.

XLII. Deinde, quia in signo desinat effusio, at priuatio transeat in rem significatam. In signo illa; quia sanguini ipsi diuino nullum esse periculum potest; cum non possit amplius separari à suo corpore: vnde & illud prius commemoratum, quod non possit æque colligi ac panis; man fesse ad speciem pertinere conuincitur; quasi cum in taberna vinum effunditur, non sine compotantium dispendio: Tum autem ratio Sacramenti non potest ad effusionem proferri, quandoquidem nulla sit omnino pars institutionis: sed potius contra institutionem. At prohibitio potus nec subsistit intra speciei limites: quandoquidem hæc pars sit institutionis certissima; nempe vt repræsentetur sanguis: vnde necesse est, prohibito calice prohiberi repræsentationem sanguinis: & eatenus etiam communionem.

XLIII. Secundum incommodum erat conseruationis. Atqui hæc primum est præter rationem Sacramenti, vt antea disputatum. Deinde pertinet duntaxat ad speciem: nam credo ipsum sanguinem non accehere, non putrescere: itaque longe minus commodo interdictionis. Deinde etiam facili remedio curandum: cum & possit etiam exigua quantitate seruari vinum etiam in plurimum tempus, si curiositas adsit: nec necesse sit in longum tempus consecratum seruari: nisi si nolint Papistæ, quotidie consecrari. Durum, inquit Hesselius, quotidie renouari. Cur, inquam, durius quam quotidie consecrari? Non præceptum Patribus. Forte, inquam: sed nec præceptum conseruari in longum tempus. Denique commune incommodum pani. Nam hunc mucescere, corrumpique quis nescit?

XLIV. Tertium incommodum in vini quantitate. De penuria diximus alias: nempe & communem esse cum pane; qui æque non sit promiscuus omnibus regionibus: & facili remedio sarcendam; cum possit quocunque terrarum transportari vinum, æque cum pane: & recipi transfera-

cur, vt in Septentrione sufficiat etiam largissimis compotationibus. Sed, inquit Hesselius, hæc compotationes non vulgi sunt, quod vtatur potius certis. Imo etiam vulgi: quod experientia testatur, in tabernis diem totum, imo & noctem versantis. Deinde cur non meminit, in Scotia plebem aena victitare; ex qua non liceat consecrandum panem fieri? Denique cur nos vbique vini latis habemus, Papistæ non habeant? Nam ad Septentrionem & multæ sunt, & populosissimæ Ecclesiæ, in Anglia, in Scotia, in Dania, vbi nullæ sunt vites.

XLV. Sed non poterit Sacerdos scire quantum sibi sit consecrandum vini. Cur non? inquam? aut cur potius quantum panis? Nam vtrique æqualis multitudo. Et tamen ille tot consecrare iubetur hostias, quot sufficere possint communicaturis: imo ægrotantium insuper ratio habenda. Cur periculosius vinum, quam panem, aut deficere, aut excedere? Aut si pani aliquid remedium, cur non vino? Denique quis insit maius periculum esse vini aut deficientis, aut excedentis, quam omnino prohibiti?

XLVI. Vide nugacitatem: etiam valorum oportuit meminisse. Quo incommodo? Quia vel vnum magnum erit, vel plura. Esto sane, inquam. Quid tum? Nam in historia Ecclesiæ vtrique legimus: & magna, inquam, & multa. In Syluestro Platina recitat à Constantino donatum Ecclesiæ in hortis Equitij patenam argenteam librarum viginti; scyphos duos viginti librarum, calicem aureum duarum librarum. Et basilicæ Petri in Vaticano, Calices aureos tres librarum duodecim; argenteos viginti, librarum singulos decem. Basilicæ Sessorianæ argenteos scyphos quatuor, calices aureos decem, patenam argenteam auro clusam librarum quinquaginta. Basilicæ Sanctæ Agnetis, patenam auream librarum viginti, calicem aureum librarum decem, argenteos quinque. Lipsius Epistola 27. centuriæ 3. ex historia quadam recitat templi Moguntiaci opes: & inter eas tres calices: *Vno calice aureo solus Pontifex, vel Prælatus Ecclesia in summis festiuitatibus utebatur: alij duo tanta erant quantitate, quod cum ipsis diuina mysteria nequam poterant celebrari: erat enim vnus maior altero: minor habebat cum patena marcas auri electissimi octodecim: Calix maior quot marcas habuerit nescio: certum autem est, quod spissitudo eius erat digiti: habebat duas anas, quæ manus poterant implere leuantis: habebat altitudinem vnus vnus, & capere poterat dimidium sextarii vini: nec ab homine poterat leuari ex terra.* Eckius homilia 33. de Sacramentis, in argumentum communionis promiscuæ magnitudinem calicum notat, & argenteos canales. *Lotanus, calices ministrariales, sic proculdubio dictos, quod ad Christi sanguinem populo ministrandum deferuebant.* Habes magnos, habes multos calices. Quid ad nos Innocentius quartus? Quid Gregorius ille tertius? Vilius, & laudibilis tacuissent, quam suas nugæ prudentibus ridendas propinassent. Non dedit Christus nisi vnum poculum. Quid ergo? de ditte singulis singulos panes, an vinus potius fragmenta? Quid vos ergo multiplicatis panes, potius quam pocula? Sed noluitne itidem Christus tantum vini consecrari, quantum sufficeret suis discipulis: quomodo Innocentius ille, quantum sufficeret omnibus Cisterciensibus? Et non Christi auctoritatem Papæ dicis causa nominent?

XLVII. Superest disparitas Ecclesiarum. Alibi vtraque species; non alibi. Primo, cur ita? Nam apud nos, qui restitimus vtramque, nulla talis disparitas: nulla inde dissensio; non regnorum & populorum: non diuitum, & pauperum: non sanorum, & morbidorum. Quin potius hoc vere mirum, cum non desint alia capita, tum doctrinæ controuersa, tum disciplinæ diuersa: tamen in istud conspirasse vno consensu omnes, qui Romanas superstitiones eurarint: vt vere pudendum sit in tanta experientia luce, tam manifeste pudorem excussisse sophistas.

XLVIII. Deinde vt disparitas esset, tamen ad inhibitionem nihil firmi esset, nisi sibi rursus non constent Papistæ. Volunt enim hanc partem non esse essentialem Eucharistiæ: non esse necessariæ obseruationis. Atqui in huiusmodi rebus quis ignorat diuersas obseruationes non conuellere vnitatem Ecclesiarum? Docuit Augustinus epistola 118. *Totum hoc genus, aiebat, liberas habet obseruationes.* Et vero cum habeant pro certo Papistæ, seculis amplius duodecim, hanc diuersitatem in vsu fuisse; possuntne ostendere vlla inde nata schismata?

XLIX. Denique si diuersitatis aliquod pondus sit: non video ego quidem cur sit magis cauendum, ne dissimiles simus alij aliis eodem tempore viventibus: quam ne discedamus à perpetua Ecclesiæ prisæ consuetudine. Nam profecto non sumus nos in eo capite magis dissimiles Papistis, quam Papistæ Patribus antiquis. Nec persuasurus quisquam nobis est, magis nos peccare discedentes à Papistis, quam Papistas à Paulo.